



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Origines Benedictinae, Siue Illvstrivm Coenobiorvm Ord.
S. Benedicti, Nigrorvm Monachorvm, Per Italiam,
Hispaniam, Galliam, Germaniam, Poloniam, Belgium,
Britanniam, aliasque Prouincias. Exordia Ac ...**

Le Mire, Aubert

Coloniae Agrippinae, 1614

Capvt LV.

urn:nbn:de:hbz:466:1-11261

*Petri domus vel Peterschufium, in diœcesi
Constantiensi.*

980.

Situm est hoc monasterium ad Rhenum è regione vr̄bis Constantiensi in Sueuia, fundatumque à S. Gebhardo XXVI. Episcopo Constantiensi, an. 980. Monachis è cella Menradij accitis. Obijt S. Gebhardus fundator anno 996. cum præfuisse annis sedecim, de cuius rebus gestis vnde libros duos per Felicem Manilium conscriptos, editosque à Ioanne Pistorio in chronico Constantiensi.

CAPVT LV.

*S. Pantaleonis monasterium in vrbe Co-
loniensi.*

954.

S Bruno Coloniensis Episcopus, (cuius diem festum peculiari officio celebrat Ecclesia Tornacensis) etsi grauissimis Reipublicæ negotijs distineretur, vtpote vicarius Imperij, à fratre Othone Imp. constitutus, vitâ tamen solitariâ ac monastica quamplurimum delectabatur. Quare per Hadamarium Abbatem Fuldensem reliquias S. Pantaleonis coloniam Vbiorum adferri iussit, & in eius honorem insigne monasterium anno 954. construxit ex castro Tuitiensi, quod destruxit, & ponte Rhenano, quem demolitus est. Pons ille à Constantino Magno super Rhenum constructus putabatur. Obijt autem

S. BRU-

S. Bruno anno Christi 965. in suo D. Pantaleonis monasterio conditus : de cuius sanctitate vide Baronium in Annalibus, tomo 10. ad annum citatum, & Erardum Vvinhemium in Sacratio Coloniae Agrippinae.

965.

*Gladbacense monasterium vulgò Gladbach,
in d. Coloniensi.*

Monasterium istud, construxit Gero Archiepiscopus Coloniensis XXVIII. & multis Sanctorum reliquijs id ipsum exornavit. Inter alias adseruant ibi magna cum reuerentia S. Laurentij martyris caput, non semel à Philippo II. Hispaniarum Rege expetitur, sed frustra : quod nollent illius loci monachi tam precioso thesauro priuari.

S. Martini Maioris cenobium, in vrbe Coloniensi.

S Martini Coloniense monasterium, in insula Rheni olim, hodie in continente, non procul à Rheno, intra vrbis moenia situm, fundatum legitur primùm ab Odgero Daciae Duce; tandem verò reparatum & auctum, postq; primam eius euersionem quasi de nouo instauratum anno Christi circiter 986. sub Imperatore Othone tertio. Ita Bruschius.

986.

In hoc

In hoc monasterio reliquiae S. Eliphij martyris conseruantur.

Erardus Vvinhemius cit. libro dicit hanc basilicam primò constructam à Vvarino XXVIII. Episcopo Coloniensi, pro natione Scotica: quod nunc in desuetudinem venit.

In vrbe Coloniensi sunt insuper quatuor virginum Benedictinarum monasteria, primum ad SS. Machabæos, secundum S. Mauritij, tertium S. Agathæ, quartum S. Ioãnis Baptistæ in Clusa: de quibus Vvinhemius cit. libro, & nos alibi dicemus.

Monasterium in Brauvweiler, diœcesis Coloniensis.

1024.

Temporibus Hermanni II. Archiepiscopi Coloniensis, Erenfridus Comes Palatinus & vxor eius Mathildis monasterium istud in Dei ac S. Nicolai honorem an. 1024. fundarunt. Obijt Hermannus fundator anno 1054.

Tuitiense monasterium, ex opposito Colonia Agrippina ad Rhenum fl.

1012.

Fundatum id est circa annum Christi 1012. à S. Heriberti Archiepiscopi Coloniensis fratre germano, Comite Rotemburgio ad Tubarum, cuius tamen nomen ignoramus. Is in magna annonæ difficultate, ingentem

men-

mendicantium pauperum, vt inutilem multitudinem, in horreum ruri situm conuocata, incendio cum deleuisset; sceleris tanti poenitentia tandem ductus, Romam ad Pontificem iuit: à quo absolutus cum iuberetur cœnobium construere pro tanti peccati satisfactione, Coloniae fratrem Archiepiscopum conuenit, cuius consilio pariter atque auxilio in perueteri oppidulo Tuitiensi, eoq; ipso loco, vbi antiquitus *Tuisconis* primi Germanorum Regis castrum fuisse affirmant, oratorium & domum Dei condidit, in qua pietatis, & litterarum florerent studia, Deoq; rectè seruiret, & probè etiam institueretur scholastica iuuentus, Ecclesiae & Reipub. aliquando seruitura.

Hoc in monasterio spectatur tumulus dicti Episcopi Hereberti, in quo tabula plumbea inuenta est, hac inscriptione:

Anno ab Incarnatione Domini nostri millesimo vicesimo primo, XVII. Kalend. Aprilis, Obijt Heribertus sanctae Coloniensis Ecclesiae Archiepiscopus, qui de suo proprio sumptu hoc monasterium fecit.

Heribertus Coloniensis Episcopus constructor huius Ecclesiae, anno incarnati Verbi millesimo vicesimo, ipsam consecrauit in honorem Saluatoris mundi, eiusque genitricis.

Q

CAP.